



自序

詩以言志辭取達意而已夫遇事興懷感時賦物如鳥鳴春雷鳴夏蟲鳴秋風鳴冬各自爲聲而不能強之同者亦各根其性耳性本也辭末也徵其詩而得其志此四始六義所以讀之而知政之得失人之邪正何嘗於字裏行間計工拙哉今人言詩皆尚唐絀宋摹仿唾餘總極形似不本性情流出殊失詩人言志之體余生逢聖世治生之暇與二三知己嘯詠歲月未嘗以工拙計也聊以自鳴其志耳故志有所至則辭有所略然求其意隨言顯辭因氣暢則什無一焉今呈是卷幸知己之有以教我

彭敏

懷年鑑

易安書屋

鴻城甫里故天墮子耕釣處也清風未墜代有高人客冬予抵分署訪古跡遊翠林與釀泉上人善往來唱酬因獲交蓮社諸君子諸君子獨推易安先生有潛德旋訂同心稱莫逆焉今奏秋惠示詩集披誦數過益想見其爲人槩厥平生志潔行廉嗜古樂善每於風晨月夕酣酒浩歌不知老之將至其殆江湖散人一流亞歎斯

存佳什若干首大抵源出香山得之天籟者爲尤多予既重其德且愛其詩爰綴數語於簡端時

乾隆五十六年清和月既望廬陵彭治堂名政號可仁題

張南溪贈言崇明人名詒

天隨甫里有遺編代有文人繼昔賢此日才久零落更誰收拾與流傳

殘叢卷帙半消磨手自編成口自哦一字似穿珠一二苦心更比作詩多

侵年錄

易安書尾

小隱吳淞水一方庭階草綠鄭公鄉新詩吟出爭傳唱前輩風流有瓣香

徐顛存贈言真義人名傳詩易安過訪以言里

逸詩見贈報以律絕二篇

水蒹葭企德容布帆此日下吳淞逸詩名氏傳桑梓者老精神見柏松地僻星溪懷舊隱天

隨笠澤繼高踪相逢未敢希韓孟佳話當年雲

與龍

名氏他年不可聞有心不吝輯遺文錙銖久見

人情薄此事何期尚有若

承惠雨里軼詩文捧讀之下美不勝收夫美則
自美欲人共知其美必賴有傳其美者言里自
我遠祖天隨而後代有詩人其間或隱或顯
者固已膾炙人口而湮沒無聞者正復不少我
先生搜羅放佚哀然成集俾吉光片羽復耀塵
寰斯真顯微闡幽之盛意亦山林經濟之微權
也直欲令人於幾百年後爲幾百年前之騷魂
吟魄感激而涕零矣我輩薄擅雕蟲末工脫穎
六度棘闈屢遭荆刑悵今生其已矣望後世而
茫然暫留詩卷於片時敢望歆香於百世響寂
假年錄

易安書屋

晉沈之下其亦有過松陵而憑弔者歟不揣固
陋聊贈短章儻得依諸君之末光留下里之姓
氏惠存靡涖感且不朽

乍相逢趣卽相知肝膽交傾恨見遲天地多情留
碩果江山何幸毓奇姿拾來片玉供珍玩采得幽
芳好護持雨里舊傳多逸韻清風亭畔獨題詩
傲骨支離歎二毛此生甘分老蓬蒿訂交漫許史
魚直耽隱爭欽靖節高名鑄鼎鍾情自澹氣吞湖
海興偏豪每時翦燭西窓不重與論文醉濁醪

松陵陸廷楷迂鄉拜藁

對酒歌

約課

易安周秉鑑

平生相識滿天下今日相知惟有酒滿酌請言
酒中好洪荒以來無其偶令人愁慮頓消釋令
人庸懦忽抖擻令人世仇釋於心令人匿怨吐
於口豪者益能顯其豪醜者益能掩其醜所以
古今聖賢輩與酒相於唯恐後自我與酒相識
寒暑五十四年久譬如膠投漆中自分白
首可相守無端一夕被讒言僉謂誤事伊之首
遂使交情中道絕遂使交義甘相負從此中懷
少曠達鄙吝不堪生八九杖策出門多悵恍
假年錄

易安書屋

然如失左右手不知是誰使之然借問路傍知
得否路傍盡人多不解胡不歸而謀諸婦一言

平原不可交婦言青州皆且有臨軒據坐舉一

杯清風習習生兩肘一杯一杯復一杯神氣飄

飄入牛斗凭高俛視下土中華山泰山等培塿

九曲黃河細若線一點碧海小於缶浩然氣直

上心來一聲長嘯震天紐山中虎豹皆遜匿水

底蛟龍盡奔走元穹上帝忽感動詔遣金星

問誰其臣蟻是民被酒人作事蠅營并狗苟

元穹上帝鑑贛直勅賜下民一掃帚秋來勅掃

月中桂春來勅掃星中柳普天三百六十度
度掃蕩無塵垢功成不受修文館拂袖歸來臥
林藪乃知今日酒與我較之昔日交逾厚今宵
呼酒復命酌一輪明月當窻牖開窻盡放明月
入與酒相對成三友對月苦有圓缺對酒
樂無卯酉人生若不能飲人生亦成虛受
請開孔融北海尊同歌小雅北山柶北山北海
共高深我與爾酒同黃耆

許愚溪六十重建長發堂歌

愚溪中翰之子孫七子七宅甲第闕七宅不知
假年錄

易安言屋

幾換主嘯圃移家今尚存背市有圃可舒嘯溪
不通流愚得妙生長於斯六十秋青衫依舊白
滿頭金門可貢張藉盲仕途有徑終南筮生不
逢時休據鞍范叔終當老一寒仰視日月跳雙
丸丈夫有志只合事一室廣廈千萬無其實銖
積館穀四十年買隣老屋八九椽君子不立巖
墻下安能畫坐復夜眠與人不睦勸造屋心與
心謀斷自獨室成幾使阮囊空毋望美酒貯千
斛聞昔得閒堂始成鑿池疊石橋縱橫美人名
士踵相接詩瓢酒椀羸相爭中翰年總四十六

幾回黃菊幾黃鶯鳳簫聲歇敲起木魚聲不及
曾玄而後善居室苟完苟美毋意必閨深不將
蝴蝶寢晦明要使兒佔喫此是君心吾寫出徹
環琪女能承歡知飽知飢知暝寒饒他絡秀稱
能手天性生來不一般商瞿有子家事庀常年
不用營柴米生怕六經燈下讀撞破煙樓指日
矣莫道易安好滑稽肯將泛語祝愚溪他年七
十高樓起與我梯雲招黃綺笑指杆旗已掣此
賦得乳燕 得新字

假年錄

香巢方破卵細語已驚人黃蠟初封口紅

易安書屋

襟小稱身風簾初日麗雨砌落花新繡戶
將雛慢雕梁望哺頻竝頭芳晝永連翼煖
宵春翠翦生鋒利烏衣染色純學燕難去
壘能罵便聞隣羽滿先穿牖毛疏或墮茵
子心知奮發母力亦艱辛下上終依俗差
池欲遠塵林泉猶是寄逆旅豈爲眞鴻鶴
冲霄志今朝始得伸

得賦新燕 得新字

蟄禽雷震起毛羽一番新半載華胥夢千
家桃李春仍尋王謝巷來拂棟棟塵花徑

條條舊風簾面面陳未忘銜處近猶記入
時頻壘盡商重築喃動四隣

賦得弄花香滿衣 得香字

滿把殷勤弄花香衣亦香蝶應憐爾舞蜂
亦近人狂露浥衫凝馥風飄袖染黃宛如
蘭芷佩宜作菱荷囊雞骨休薰匣龍涎免
服箱彰身勝製錦百世自流芳

次吳十州賃居原韻

移家半郭半村間杞徑邊頭菊轉灣庭喜栽松
芟翠竹窻謀面水背青山客因少合門常靜詩
假年錄

易安書屋

為多敲夢不聞何日布帆江上月到君居處一
開顏

瀛川原只在人間未泝西南淞水灣波闊牀頭
迎素月庭寬屋裏見青山雲霞無管飛騰揚鷗
鷺忘機飲啄閒真是樂郊君賃得愁顏到此變
歡顏

高午峰新葺書齋

家塾南邊闢兩門徙薪塞井雍烏菴裁齊椽角
檐牙錯粉去牆頭屋漏痕簾不滿三邀月色地
猶餘丈植雲根主人愛客經營此坐者休教席

未温

梅影

小窓昨夜轉東風，墻角全無消息通。
不意忽隨明月到，無端又逐曉雲空。
依稀共適忘形外，恍惚相逢在夢中。
我與美人原有約，來宵依舊上簾櫳。

雪美人

雪衣雪貌雪精神，捏雪裝成一麗人。
看去何須悲白髮，生來從未識青春。
最宜澹月依霜砌，不稱紅樓坐錦茵。
寄語六宮休妬忌，蛾眉能畫弗能顰。

易安書屋

擬韋韋嗣立山莊應制

紫禁仙輿出上林，宸遊遙憶草堂深。
鳳凰原遠龍旗速，鸚鵡巖高天仗臨。
文彩舊傳青瑣客，皇情今戀白雲岑。
隆恩自是轉優渥，還錫空山金玉音。

擬謝玄暉遊東田

冉冉值歲華，幽居尠歡樂。
扶策尋春芳，隨步陟高閣。
晴翠起遙空，浮雲歸廣漠。
日暝鳥能鳴，風恬花不落。
莫惜千金貂，相將醉東郭。

次蔣祖開七夕後一日韻

蕭疏景色上梧桐不是愁中即病中把筆久拋
擲殘綠檢書常對葯爐紅數聲幽怨隣家笛一
枕淒涼薤簟風却羨元卿饒雅興詩成珠玉化
飛虹

行吟曾記始華桐倏忽春秋代序中節去雙蓮
初墮粉景移菱芰已浮紅澹煙漫野樵谿雨白
浪橫江釣艇風相與課晴晴未得牧童遙指暮
天虹

硯田

假年錄

易安書屋

卽墨當年拓此田南阡北陌案頭連士貧莫恨
無恒產歲歉還逢大有年灌溉惟需一勺水公
私不稅半文錢勤耕自有番身日石易開荒鐵
易穿

壽費閒軒七士

壺中日月遠凡塵自古來稀寄此身甕汲曉霜
三徑馥杖扶殘雪一枝春久傳紅豆屯田老慣
典青衫原憲貧客到漫招和靖鶴釣魚船只繫
淞濱

燈花 次蔣松泉韻

月華傳貌火傳神，金瑣銀臺夜夜春。
長恨風流京兆死，殘花零落畫無人。

擬陶徵君歸田園

野人拙爲吏，素食良可恥。
曷不歸去來，乃在樊籠裏。
犍牛憂被錦，靈龜愛曳尾。
南山舊田宅，荒穢勤疏理。
百畝種杭林，餘栽菊與杞。
閒把濁醪香，細嚼秋英美。
散髮每穿林，濯足或臨水。
良時自追歡，人生能有幾。

漁婦曉妝波作鏡

三尺青羅欲豔頭，含情無語對清流。
半江蘆荻假年錄

易安書屋

煙初捲，十旦芙蓉露未收。
蓬鬢影飄翠，荇亂鴉鬢光印綠。
雲浮鸞峯，浸眉雙道曲。
曲曲梳拋月，一鈎貌似蓮花相。
眷眷眼如秋水，兩悠悠妝成漫說魚沉去洛水。
神仙見也愁。

樵父

洞口深深別有天，前肩後負意陶然。
春回綠看巖巖草，秋到聲聽樹樹蟬。
且喜近來薪似桂，儘教免得酒如泉。
一家衣食於焉足，不識人間豐歉年。

湖上春行

十三樓在畫橋疎閣伴遊人
挽玉驄興到忽冲歌席畔
意行時出落花中垂楊欲暝
波逾綠薄靄將殘燭漸紅
小醉不知歸路月醒來怨殺錦帆風

擬李白塞下曲即次其韻

塞北十年戌天南萬里家
朔風生殺氣白日蔽黃沙
秋棧常堆雪春林不作花
男兒甘戰死紅粉莫咨嗟

溪居

結宇臨溪上溪流清且遙
門停釣魚艇窓對綠

儼年錄

易安書屋

楊橋望益開三徑安貧樂
一瓢境偏無客到展卷誦逍遙

送別

朝亦相追隨暮亦相追隨
一日不見面走詢問何之
君今萬里行遠送江之湄
去去莫依依而爲兒女悲

詠筆

拔擢自蒙恬憑君信手拈
性靈隨意指鋒利勝刀尖
橫掃千人却牢籠萬態兼
名成不受賞誰省中書廉

題高蟾香新葺書齋

阿爺赴館兒閉戶 硯田收幾庾釜饑寒逼人
不及刺股聚得生徒十四五 一點者猴獠猛者
虎客來坐坐左筴右怒撻之咤之客不安中心
轉輾反側苦朝朝暮暮拄腸肚 不待爺歸自
張主鑿開東壁圖書府自堂徂基只一武名承
福以操巧命楊潛而運斧孽笈可以障風截板
可以蓋雨屋側不妨以木撐垣頽不妨以苔補
十笏之堂三弓之土可坐可臥亦園亦圃檢點
囊金力已努 三爺歸一見舌頭吐多謝妻孥現
假年錄

易安書屋

成作父不索費錢工料簿反索魚蝦麋鹿伍早
來或卯晚或午清談者揮塵耽吟者題柱莫謂
無絲竹管絃蚓有笛兮蛙有鼓鳥有歌兮蝶有
舞莫謂無龍胎鹿脯鞠有黃華落可食天泉七
盃甜如乳何人所竹瀟湘浦口吐巫山雲縷縷
其樂誰樂吾儕自取 四 里中細把人家數或雕
牆或峻宇瓶中孔雀架中鸚鵡屏則玻瓈幔則
錦組盤盛禹貢之球琳軸繡天官之袞黼濁者
博奕清者引商而刻羽吾曹無福使一睹若欲
就之俾出童殺 五 更有一班守錢虜有園不把

怪囊剖山樞隰榆詩咏歌弗灑帚掃他人侮
僕無閒屋少閒錢許假尊齋作我廡裁成一律
氣未降筆力還將餘勇賈俯仰頃刻成千古牡
丹花開菜亦斌滿紙陳言休曰腐要知貧士家
風此堪作譜主人讀之曰於然香一炷

七解

題雙美圖

翠袖紅裙一色裝差分肥瘦與圓方眼凝秋水
爭流送眉掃春山孰短長喜事互知情默芳
心相得意揚揚杏花箋駐雙呼下妒殺鴛衾共

繡床

假平錄

易安書屋

飲酒

調寄滿江紅

無計消愁毛錐子苦難驅逐忽報道雙螯正紫
小槽初熟蓴菜生香吳沼裏鱸魚正美淞江曲
共那人醉倒好時光酒千斛竹林阮窮途哭
四明賀井底宿想當初同是者般題目一刻千
金何處買百年世事風吹燭又何須餞玉更炊
金方醫俗

除夕

白髮將生日殘宵欲盡時債多償未徧不獨一

年詩

壬子元旦

今朝我已足五子六壬周貧賤能知足辛勤剛
白頭太平寧羨犬成熟不須牛閒得閒能否行
將與汝謀

早眠因早起喜雀報晴天日色窓猶未詩情枕
已然斷鬚無一字隨口忽成篇忙起蒐言帙羅
紋五彩箋

六十自述

萬古茫茫說向禽向禽而外少同心年華去
去終去慾海深深更深白髮有情容爾老青
假平錄

易安書屋

燈無語伴吾吟人生六十何須道一寸光陰一
寸金

自題寫真

碌庸六十年有何面目向人前還教畫者
圖真貌不怕羞顏後代傳

我容未識問傍人及問傍人認不真皮相難求
天下士山光水色代傳神

題內人照

辛苦經營四十年此心知足樂無邊雖貧未共
牛衣臥繼賤常欽馬磨賢勗我毋忘心腹托都

卿能受姑舅憐買山莫遂平生志偕隱何妨畫
裏傳

初夏

游絲落絮碧雲空蘆筆荷錢綠沼通花相蟒袍
分魏紫美人象服染猩紅杜鵑枝上鶯聲起蝴
蝶叢中蝶夢終誰道醅釀春事了都來庭下伴
薰風

次李衡載落花韻

同心共蒂各西東一代榮華九十中欲墮仍留
粘細雨將離難合扇輕風遊絲香絆毳鬚綠畫
假年錄

易安書屋

棟泥添燕紫紅假使落花能上樹王嬙重返漢
皇宮

孟夏雨後入支硎山止中峰寺口占

入夏遊人盡巖泉面目真谿聲猶帶雨山色未
歸春啼鳥共怡悅孤筇不苦辛所思無玉珮有
酒莫露脣

隔牆梅

牆角一枝梅臨風弄顏色凡物所妙在可望不
可即爾旣待我來我亦爲爾立脈脈爾我心東
風傳不得

擬杜少陵紫宸殿退朝口號原韻

會課

御座巖巖龍袞垂百官遙拜肅朝儀
煙凝玉殿香風滿日轉丹墀翠扇移
廠藻歡聞天語近文章慙受帝心知
總歸竦省傳恩旨許從宸遊太液池

擬和王員外晴雪早朝原韻

珠簾曉捲水晶宮
庭燎煌煌兩樹紅
旭日漸臨銀海上
仙官齊舞玉塵中
雲開北極祥光迴
素積南山和靄通
遙羨調高如白雪
此音千載更誰同

擬李賀

擬和李員外扈駕幸溫泉宮

北極晴開閭闔風
寒雲遙捲舊離宮
無邊景色龍旗外
不盡光華錦帳中
銀鬣馬嘶銀闕近
玉輪車碾玉山通
仙曹未慶豐年瑞
彩鳳先鳴軒帝桐

應詔觀北河田收

限七律得楂字

樂遊苑北水無涯
綠岸嘉禾萬頃斜
兆姓割收紅玉粒
千官擁護紫雲車
散鋪遠接黃金殿
捆載高浮碧漢槎
有且斯今振古頌
小臣應詔少才華

梅花落

山中梅樹策蹇來相訪嘉爾霜雪之中獨搖
彊花花萼不待輕風細雨相培養梅花梅花
爾若落時須早落莫與夭桃穠李同搖蕩

白菊

鬪老西風發幾枝直將清白表貞姿
同經蕭瑟能安素總晚榮華不怨遲

擬張若虛吳宮怨 即次其韻

君不見吳王車騎漫城起前從如雲後如水
瑤臺遙上碧雲邊衣香飄落紅塵裏
靈巖峰頭春

假年錄

易安書屋

復春歌臺舞榭塵復塵今人不識古人樂
古人不料悲今人

題小松

三十六峰松子萌和雲鋤下兩三莖
未龍已其凌霄志引鳳先標拔俗情
霜到肅時無弱態風來驟亦作濤聲
東君培養將安報不願秦封愿棟
堯

節婦吟 爲大妹作

堂上七十姑膝下三尺子一身係兩代
不得憐

慨死

盆梅欲放冰雪困頓圍爐把酒欣然有作
冬煖花意白春寒冰意堅夜添幾點雪花怯鬚
曲卷愛惜護獨子移衾枕眠上有白雪綴下
有紅爐燃雪鎔滴作雨爐蒸散成煙煙雨樓外
景忽來牀榻前洞開窓四扇滿浮酒一船殘羹
汗併百冰腐孔鏤千蒜根白如銀葦朶圓如錢
木耳漆黑亮韭芽黃金鮮鹽豉酒末下觸鼻饒
流涎品美勝瑤柱食單缺未鐫鍋心炭炎赤箸
頭湯沸煎一麪酌一酒兩耳熱到肩薄醉濃興
發難酬冰雪天鳩頭凍扶杖驢背遠舉鞭觸景
便事錄

湯安言是

抽秘思古人先我然

採茶燈調寄一翦梅

十二峰來十二燈一瓊高擎一瓊低擎依稀十
二月范神者箇傾城那箇傾城
處處深閨等月明稚子趨迎少女歡迎採茶歸
晚路難尋前巷行行後巷行行

自題顧陸二家寫真圖

吾欲看吾貌吾貌畫家不一各擅妙顧家畫我
色太老陸家畫我色太少一曰八月九月暑色
退一曰八十九十耆色到不畫目前畫日後色

棄婦詞 約課

十歲詩文早絕倫十三刺繡及時新濟尼嘖
傳江左仕女班頭第一

十四名門賦好速共推桓孟德音伴參媒氏灼
春冰泮苻菜叅差左右流

十五吹簫弄玉樓碧梧翠竹鳳皇遊雞鳴昧且
常相戒不信文君咏白頭

十六占祥兆夢熊羆兔走顧西東白衣蒼狗
郎情薄團扇秋風妾命窮

十七閨空白日遲麝煙慵理遠山眉天孫夜夜
假年錄

勤機杼不織迴紋錦字詩

無題

小院深沉月影孤天河迢遞悵黃姑調絃欲致
纏繚意一曲求凰解得無

輕者黃金薄者珠漫將巧語教羅敷生憎蕩子
無情信水到橋邊死得無

玉露霑衣怯五銖羊脂凝凍粟生膚重陽信到
西風陡寒到卿邊裘到無

如柳腰肢如雪軀怕炎褪盡繡羅襦鵝翎風動
冰山雨熱到卿邊瓜到無

肆筵設席錦茵鋪雙箸雙盃酒一壺風弄竹聲
花弄影玉人來到玉階無

雙尋花底鬪樗蒲輸却搔頭準却珠許贖金錢
頻負約碁敲燈下落花無

轉遲轉缺玉蟾蜍流得清光照碧凋缺到今宵
缺盡否可能仍上柳梢無

隱路遮樓樹幾株好音時有鵲相呼那回聽得
靈無驗聽到而今鵲也無

和盡新詩意自都金盤無露潤腸枯一杯欲向
荆妻索白苧筐中擘盡無

少年錄

易安書尾

年少風流一剎那頭童齒豁眼糊塗吟壇有課
難違約也捋髭鬚咏十無

寄翟希溪近藁

鴉鬢龍盤金爵釵裙拖六幅抹弓鞵眉峰兩道
宜深淺要倩檀郎畫更佳

同潘鑑真翠林院訪紅梅

蒼苔漠漠竹瀟瀟佛殿生寒坐寂寂薰地風來
香過處一庭紅雪欲齊腰

師雄一別黯傷神紅歌香消五百春今日重來
顏更少眼前不是夢中人

題閔暹詩彙後

立品能高立行賢古來閭巷士多湮不知誰是
青雲器把筆能將名姓傳

倚蘭操裏歎伶仃衆草叢中德自馨讀罷遺編
倍惆悵滿窓風雨一燈青

漁父

得休休處且休休南北東西身自由家逐浮鷗
常泛心隨流水共悠悠柳陰船待入歸市蘆
薄煙消酒盡甌欵乃一聲隣伴到諫風占雨坐
梢頭

假平錄

勿安書

贈袁月渚鍊師住蘇郡城隍廟中房

幽栖何必遠塵氛路轉仙凡一徑分門閉古泉
清絕俗庭藏老柏秀凌雲青藜夜照摸奇字紫
氣朝飛製妙文客至恰逢花灌罷芒屨猶帶露
氤氳 故周瑜宅井樹尚存

和曹新愚別烏鬚

年壯相逢意氣投丈夫儀表藉君留友朋如漆
期終老草木經霜漸入秋偶斷數莖還自惜忽
看兩色不禁愁盧令賦美今皤矣富貴空將太

藥求

題陸澹香歸葺舊廬用楊誠齋體

蘆席圍屏篋簟窻製來式樣不尋常
梅花出林高士錦字迴紋蘇小娘
伴夜讀書犬母子吟風下酒菜清黃
侯門彈鋏非無肉甘老蓬蒿餓首陽

落雪

日光月色暗疑猜不怕寒威窻洞開
蚊市鬧昏聲寂寂蜂衙報午影皚皚
逡巡欲入終須入狂亂如來米肯來
苔蘚破殘瓦縫合元黃混一在胚胎

假年錄

謝凌午橋遺碧蘿春

靈安書

碧蘿藤挂洞庭春茶樹生芽又薦新
七十二峰培秀色蘇常湖水洗清塵
同心自合芳蘭臭鏡口如貪醴酒醇
正恐稽君雅愛意惠山泉煮紫眉人

閒窓坐雨品碧蘿春

蜂靜花陰燕入簾薛門無客坐廉纖
春生茗椀韶光嫩香落吟腸津氣甜
評色輕描螺子黛品形齊翦柳眉尖
倪癡若與烹茶鬪白石羞將麝

口露

和王拙石江樓秋望

大橋東去綠無涯
傑閣西圍煙萬家
小棹短蓑菱正熟
斜陽細雨稻初花
天高孤鶩當窻宿
林遠吟蟬入座譁
風捲亂雲流水急
如斯逝者感年華

九日登磨盤嶺口占

山豁東南湖水連
湖中無石號空傳
我來湖上循名實
湖在山厓石洞邊

山情水性本幽深
何藉凡人去一尋
不分外頭湖冒認
惹他鬧熟到如今

庚午年

易安書屋

季春二十八日晴窓花牖以書下酒作

三弓栽樹栽花地
六扇宜晴宜雨窓
狂起雲衢梯可借
興來筆力鼎能扛
韓瓶玉露藏盈斗
秦缶金柑剩一雙
何必聽鷗方下酒
不須舉網上魚缸

二十九日作

晨風宵露獨盤桓
憐色憐香忘寢食
佳客不來綠主俗
好花落去少人看
輪腸覓句如車轉
尚友前賢比歲寒
正是寂寥無那候
早排醴酒與

猪肝

耕雲上人善書相字我輩求字者至輒贈
一闋因倚其聲以荅之

一瓢一筆是生涯何必深山何必家現在心不
害貪和戒過去身何妨繁與華妙能明明能妙
說幾句知機話吐幾朵九品花笑趙州喫恁杯
茶

次潘慕樵釣臺懷古韻

荷蓑荷笠釣江湖物色來尋易識吾不受人憐
真是隱若爲指使便成奴只知故友同今友莫
認廉夫是懦夫七旦灘頭風浪惡宦途怎比此
飯爭緣

安途

易安書屋

題曹恂愚白蓮小照

身寄吳淞第六泉家家不肯種紅蓮如船有種
花多白半給饕餮半酒錢

有人於此坐雷連要買煙波十頃田幾度夢中
買不得倩人畫出水雲天

葉混長天花混雲天雲花葉淨無氛射來炎日
難生燄吹徧南風弗起薰

花氣侵人六月寒投竿誰與共盤桓鴛鴦翡翠
不春宿那許凡間肉眼看

壽馬澄川七十

古之學者爲求道今之學者爲求名同究三綱
五常理徒負空言不顧行求其言顧行顧者當
今盡說馬先生先生二十遊膠庠科科考試舉
於鄉也曾轉戰棘圍中如水名心舍便藏有朋
有朋千里至門牆苦無立錫地賃得鄰家五大
樓錯節盤根施利器濟濟英才日多助名成便
捲書包去今年七十壽來欲拜先生在何處
先生泛舟上虎邱生公臺上恣遨遊不講文章
講性道頑石聞之獨點頭儒名墨行然不然中

修錄

易安言屋

年喪耦不再娶身不出家心出家維摩居士爭
馳鶩勝他酒肉養曾參學詩學禮鯉趨庭徒又
教徒子生子芝蘭玉樹李桃馨先生當此不自
喜所喜誨人習不已故此門下稱師字去嘉而
曰孔夫子子忝同庚不同業一居鄉塾一居市
閒來每叩子雲居不取瑟歌許問字古道醺人
人自醉令人忘名并忘利

奈山返棹訪戴西堂不值

訪罷名山更訪君滿船載得九峰雲願將贈與
人何在空把氤氳一片分

仲夏借果園過老梅山房擬康樂體

圓靈北陸纏土濕淫霖蒸端居日野歡履齒勞
東陵泥潭道阻修澮溢水沸騰平林正幽暗芳
葩半廢興性惡緇衣流道契白頭僧枯坐靡本
相流行得上乘肢體寒披裘肺腑熱飲冰於斯
恒朝夕南溟徙北鵬

壽外族祖陳非池七十 調寄滿江紅

老壯窮堅青雲志頭顱白雪名利事一雙空手
滿腔熱血道德文章孔孟業兵刑錢穀蕭曹列
却將來浪嫁與他人成功烈 向平愿公只撒

假平錄

勿安書

轅伏壽人今說慶南山節屆中秋明月松柏歌
稱天保什龍蛇字寫泥金帖待他年八十占鰲
頭詩同貼

丁未除夕

甕有餘糧竈有芻祭餘豕樂妻拏閉門共飲
尊中酒不管今宵債有無

代白苧舞歌 新愚齋會課

鶯啼紅杏坎、鼓風翦綠柳蹲、舞緩似龍遊
急猛虎香汗淋漓下紅雨雲錦步障日近午君
王在天上尺五卜世卜年前無吉

